



## PAENITENTIARIA APOSTOLICA

Prot. N. 1004/17/I

### DECRETUM


PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis a P. Luca Torcal, Procuratore Generali Ordinis Cisterciensis, una cum P. Ioanne a Cruce Le Van Doan, Abbate Praeside Congregationis Cisterciensis Sancte Familiae in Vietnamia, Exc.mo Episcopo Dalatensi enixe favente, in iubilaeo Nostrae Dominae de Annamia, de caelestibus Ecclesiae thesauris benigne concedit *plenariam Indulgentiam*, suetis sub conditionibus (sacramentali Confessione, eucharistica Communionem et orationem ad mentem Summi Pontificis) a christifidelibus vere paenitentibus atque caritate compulsis, a die XII Augusti MMXVII usque ad diem XI Octobris MMXVIII lucranda, quam etiam animabus fidelium in Purgatorio detentis per modum suffragii applicare possint, si Cistercienses ecclesias, intra fines Dalatensis Dioeceseos, in forma peregrinationis inviserint et ibi iubilare ritibus devote interfuerint vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque Beatissimae Virginis Mariae.

Senes, infirmi, omnesque qui gravi causa domo exire nequeunt, pariter *plenariam* consequi poterunt *Indulgentiam*, concepta detestatione cuiusque peccati, et intentione praestandi, ubi primum licuerit, tres consuetas condiciones, si iubilare celebrationibus se spiritaliter adiunxerint, precibus doloribusque suis vel incommodis propriae vitae misericordiam Deo oblatis.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentia enixe rogat ut Patres Cistercienses, prompto et generoso animo, celebrationi Paenitentiae sese praebeant.

Praesenti pro hac vice tantum valituro. Non obstantibus in contrarium facientibus quibuscumque.

Datum Romae, ex aedibus Paenitentiarum Apostolicarum, die IV mensis Iulii, anno Domini MMXVII.



*Maurus Card. Piacenza*

MAURUS Card. PIACENZA  
Paenitentiarum Maior

*Christophorus Nykiel*

CHRISTOPHORUS NYKIEL  
Regens